



Савол:

Ассалому-алайкум тахририят ходимлари. Мен ҳам сизларнинг бир мухлисингиз катори ислом нури саҳифаларини мунтазам ўқиб бораман. Бугун ҳам «Эрнинг хотин устидаги ҳақлари» рукнини ўқидим. Ислом дини одоб-ахлоқ динидир. Лекин ҳаёт билан уни чамбарчас боғлаш жуда қийин. Мен ўзим намозхон оиладан тақдир иродаси билан диндан йироқ одамлар хонадонига келин бўлиб тушдим. Бир қанча диний китобларда, сизнинг рукнингизда эр оила учун масъул, бош дейилган, лекин минг афсуски хужайинимнинг ичкиликка берилгани сабабли тинчимиз йук, бир неча бор шу ҳақдаги китобларни олиб келдим, хужайинимга таъсири булмади, яратгандан уларга инсоф беришини сўраб чарчадим. Мен ўзим таълим соҳасида ишлайман. Лекин хужайиним менга ҳеч қачон ишламагин демаганлар, чунки ўзлари 3 йилдан бери ишларининг тайини йўқ. Фарзандларим тарбиясидан хавотирдаман, қани эди улар ичмайдиган, чекмайдиган, Аллохнинг буюрганини бажарадиган солих зурриёт бўлиб етишсалар. Шунча йилдан бери сиқилиб келардим. Кеча уйга сиқилиб борсам, «Хидоят» журналини 7-сонини олишган экан, шундан ўзимга таскин топдим, унда ҳар қандай синовлар Парвардигорнинг марҳаматидир, ундан ўзингга Аллохнинг раҳматини қутгин дейилган экан. Шу биргина ибора қалбимга таскин берди. Азиз тахририят сизлар нима маслаҳат берасизлар.

Жавоб:

Ва алайкум ассалам ва роҳматуллоҳ. Ҳақиқатда бу жуда ачинарли ҳол, хатингизни ўқиган одам эҳ, минг афсус демасдан иложи йўқ. Шундай бўлсада бу ҳолатларни мусулмон одам Аллох таоло томонидан синов деб қабул қилмоғи керак. Бу дунё синов ва имтиҳон ҳаёти, охира



Ислом Нури

хаётидаги бахт-саодат шуларнинг натижасига қараб бўлади. Кимки шу беш кунлик ўтар дунёда Аллохнинг синовларига бардош берса, у албатта голиблардан бўлади.

Аллох таъолонинг мусулмонга тақдир қилиб қўйган барча нарсаси яхшилик бўлади. У ҳеч қачон мусулмонга ёмонликни тақдир қилмайди. Пайгамбар соллаллоху алайхи ва саллам дейдилар: «Жоним қўлида бўлган Зотга қасам ичиб айтаман: Аллохнинг мўмин учун тақдир қилган нарсанинг барчаси мўмин учун яхшиликдир. Бу фақат мўмин учун, холос. Агар унга яхшилик етса шукр қилади, бу унинг учун яхшиликдир. Агар унга нохушлик-ёмонлик етса сабр қилади, бу ҳам унинг учун яхшиликдир.» Бу ҳадисни Сухайб ибн Синондан имом Муслим ривоят қилган.

Саъд ибн Аби Ваккос дейди: «Мен: Эй Расулуллох – соллаллоху алайхи ва саллам, одамларнинг қайсилари энг каттик балоланади-синаладилар? — дедим. «Пайгамбарлар кейин солих кишилар кейин эса даражаларига қараб бўлади» — дедилар. «Киши динига қараб синалади. Агар динида мустаҳкамлик бўлса, унинг синови каттиклаштирилади. Агар унинг динида заифлик бўлса, бало ҳам қамайтиради. Мўъминга бало-синовлар етаверади, етаверади натижада у ер устида бирор хато-гуноҳсиз юради.» дедилар. (Имом Термизий, Ибн Можа ва Аҳмад ривояти). Синовлар Аллохнинг мархамати деганининг маъноси шудир, бироқ бу мўъминга нисбатан холос, ҳар қандай бало ҳар кимга мархамат бўлавермайди.

Агар қуёвингиз намоз ўқиса, рўза тутса сиз сабр қилинг, болаларнинг тарбиясига жиддийроқ аҳамият қилинг. Улар отасини ичган холатида кўрмасинлар, чунки бунинг болалар тарбиясига ёмон таъсири бор. Сиз унга яхши муомала қилиб Аллохдан кўркишга чакираверинг.



Ислом Нури

Кечалари дуо килинг, шоядки Аллох уни хидоятласа.

Аллохдан ноумид бўлманг, дуо килиб чарчадим деманг. Аллох бир кун қабул қилар. Сиз Аллох дуойимни қабул қилмади ҳам деманг, расулуллох соллаллоху алайхи ва саллам деганлар: «Банда кўлларини кўтариб Аллохга дуо қилса, У бандасининг кўлларини бўш қайтаришни хохламайди, У Хаёли Карим Зотдир». Колаверса, дуонинг натижаси уламоларнинг сўзларига кўра уч хил бўлади: 1-Аллох бандага сўраган нарсасини беради. 2- Аллох бандадан қилган дуосининг микдорида унга етишлиги мумкин бўлган зарарларни даф қилади. 3- Аллох бандага қилган дуосининг микдоридаги яхшилиқни қиёмат кунига саклаб қўяди.

Ислом ҳақиқатда одоб-ахлоқ динидир. Пайгамбар соллаллоху алайхи ва саллам: «Мен яхши ахлоқларни қамолига етказиш учун юборилдим» деб марҳамат қилганлар. Уни ҳаётга ҳамбарчас боғласа бўлади. Бунинг учун қаттиқ тиришиш лозим, у ўта барқамол диндир. Қамчилик бизда, мусулмонлардадир, биз уни ҳаётга боғлаш, татбиқ қилишда сустлик қилмоқдамиз, холос.

Сўзимизнинг охирида Аллохдан сизга сабот, турмуш ўртогингизга хидоят ва фарзандларингизга салоҳият ҳамда сизни муслима қилиб тарбиялаган ота-онангизга ажру-савоблар сўраймиз.